



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1460. usque ad annum 1478

**Fleury, Claude**

**August. Vind. [u.a.], 1768**

**VD18 90118332**

§. 114. Sacrilegum Galeatii Sfortiæ Mediolanensium Ducis parricidium

---

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

prudentiam, ac suarum responsionum soliditatem plurimum admirabatur, nec tamen propterea usque ad obitum suum Christianos divexare cessabat.

Sæcul. XV.  
A. C. 1476.

## §. CXIV.

*Sacrilegum Galeatii Sfortiæ Mediolanensium Ducis parricidium.*

Eodem anno die vigesima sexta Decembris Galeatius Mediolanensium Dux, in hac eadem urbe ante fores Ecclesiæ ad D. Stephanum ex insidiis trucidatus est; nunc vero occasionem sacrilegæ hujus cædis recenseamus. Joannes Andreas Lumpugnanus ex nobili, atque illustri Mediolanensium familia ortus, ac inter Aulicos Francisci Sfortiæ nutritus erat. Hic de possessione cujusdam beneficii cum suo æmulo Novocomiensi Episcopo ex Castellionum genere nato contendebat: cum autem Episcopus gratia atque auctoritate, qua apud Ducem plurimum valebat, suffultus, litis decisionem ad plures annos extraxisset, Lumpugnanus sæpius, non sine verborum vehementia atque intentatis quandoque minis de Judicum lentitudine apud Ducem conquestus est, quin imo die quadam inter cetera, quæ Galeatio objectabat, furore accensus dixit, Ci-

*Epist. Card.  
Robert. apud  
Marten. th.  
nov. t. 1.*

*Corio part. 6*

*Ripamont.  
hist. eccl.  
Mediol. 1. 13.*

Sæcul. XV.  
A.C 1476.

*Visconti*

vibus jura denegare, nefandum crimen esse. Dux objurgatione offensus, liberius loquenti mortem minitabatur. Exinde autem Lampugnanus acriori ira commotus, ab illo temporis articulo unice curas eo intendit, ut Galeatium sicariorum ope e medio tolleret. Ea etiam, quæ animo volutabat, Hieronymo Oligiato adolescenti non minus generis nobilitate, quam scientia & fortitudine inlyto communicavit, eumque facili negotio ad suas partes pertraxit. Hi paucis post mensibus in conjurationis societatem tertium vocant quemdam Carolum nomine, qui ex præclaro Vice-Comitum sanguine progenitus, tum secretioris Senatus apud Ducem Secretarius seu omnino Cancellarius erat. Paulopost Joannes & Hieronymus nimis facilitatis, qua Carolum conspirationis confcium reddiderant, poenitudine moti, eundem interficere statuunt, postera vero die melius explorata ejusdem fide omnes Tres unanimi voto Galeatii necem decernunt. Tandem etiam audendi copiam, quam dudum speraverant, opportuna occasio præbuit; die enim vigesima sexta Decembris Sancto Stephano sacra explorabant, quod Galeatius Dux ad divi S. Martyris Ecclesiam accessurus esset, ut ibidem rei divinæ solemni ritu peragendæ assisteret. Igitur conjurati ante  
ipsum

ipsius adventum templum ingrediuntur, Sæcul. XV.  
 & Joannes ad Galeatium, qui equo ve- A.C. 1476.  
 ctus cum ingenti militum ac Auilicorum  
 comitatu Ecclesiæ foribus appropinqua-  
 bat, propius accedit, perinde ac si con-  
 fluentis populi turbam submovere, Duci-  
 que magis expeditum accessum parare  
 vellet; mox autem extracto, quem oc-  
 cultaverat, pugione Ducem unico, eoque  
 lethali ictu conficit, suis illico sociis in  
 opem concurrentibus, qui Galeatium a ter-  
 go adorti multis plagis confossum exani-  
 mem relinquunt. Cæsus est Galeatius  
 quatuordecim vulneribus, quorum unde-  
 cim erant mortifera; exhalavit animam  
 nihil effatus, ac nonnisi leve, vixque ab  
 adstantibus perceptum cordis suspirium  
 emittens. Satelles quidam Joannis An-  
 dreæ famulum, qui & ipse Ducem fau-  
 ciaverat, gladio percussit, quem tamen ce-  
 teri duo Joannis socii protinus necarunt,  
 hujus mortem vindicaturi. Joannes ve-  
 ro Andreas vitæ suæ consulturus ad  
 Ecclesiam confugit, sed a fœminis in  
 genua procumbentibus præpeditus, nulla  
 mora a militibus occisus est: Hierony-  
 mus & Carolus interea sese hominum fre-  
 quentiæ immiscentes, nec ab ullo co-  
 gniti, solido biduo apud suos amicos de-  
 litescabant, tandem vero proditi, captique  
 in Mediolanensem carcerem conjicie-  
 bantur, ac denique sententia capitis in  
eos

Sæcul. XV. eos lata, quadrifariam dissecti sunt. Cum  
 A C. 1476. vero Galeatii Senatores ex Hieronymo  
 atrocissimis quæstionibus subjecto scisci-  
 tarentur: qua causa permotus manus  
 sanguine Principis sui polluere præsum-  
 pserit: id a me factum, respondit, „quia  
 „ vos graviore quam ego in Ducem o-  
 „ dio ferri compertum habebam, ac ipsius  
 „ mortem multis votis desiderasse, nec  
 „ tamen intulisse sciebam, eo quod vobis  
 „ animus, non voluntas deesset. Nec me  
 „ parricidii recens patrati poenitet; eae-  
 „ nim inveterata est in mente mea opinio,  
 „ humani consortii indignum esse Prin-  
 „ cipem, qui omni violata promissorum  
 „ fide, tantisque sceleribus, omnibus exo-  
 „ sum, atque detestabilem sese reddidit.  
 „ Unice publicam populi salutem specta-  
 „ bam. Nulla mihi cura est vitæ mee  
 „ nec amplius mortem reformido, dum  
 „ Tyrannum e medio sublatum scio. „  
 Plura adhuc alia effutiebatur Hieronymus,  
 duosque suos socios ad parem constan-  
 tiam adhortabatur; sicque sub carnificis  
 manu vivere desiit, semperque sacrilegum  
 suum facinus abominandis obtentibus at-  
 que rationibus honestare nitebatur.

## §. CXV.

*Joannes Galeatius - Maria occisi  
 Successor.*

Galeatius, quamvis solutioris vitæ li-  
 centia